

Vestland fylkeskommune
v / fylkesordfører Jon Askeland

Knarvik, 29. april 2020

Kraftsituasjonen i Nordhordland - og følgjene for næringsutvikling og kraftintensiv industri sett i lys av dette

Regionrådet Nordhordland er særskild bekymra for kraftsituasjonen i Nordhordland og følgjene for næringsutvikling og kraftintensiv industri sett i lys av dette.

Regionrådet har gjort følgjande vedtak:.

Elektrifisering av Nordsjøen må føra til forsterking av kraftsystemet på Vestlandet, slik at dette ikkje vert til hinder for utvikling av ny industri på Vestlandet. Det er trøng for oppgradering både av nettkapasitet og total kraftproduksjon.

Kraftsituasjonen på Mongstad og i Nordhordland elles inkludert Gulen med Sløvåg og Skipavika, er kritisk og det bør raskt innleiest til ein dialog med aktuelle aktørar som kan løysa kraftsituasjonen med dei tiltaka som er omtalt i rapporten. Dette blir spesielt forsterka no når kraftvarmeverket på Mongstad vert avvikla og ein skal elektrifisera Nordsjøen.

Det er Statnett som har ansvar for transportnett for elkraft i Norge og på Vestlandet. Regionrådet ber Statnett visa ei offensiv tilnærming til opprusting av kraftnettet inn og ut av Vestland, og frå indre deler av fylket til kystområda som sit med eit stort nasjonalt potensial for næringsutvikling. Regionrådet ber Statnett leggja til rette for at prosessen med å sikra trygg tilgang på fornybar kraft til kysten vert prioritert.

Regionrådet stiller seg elles bak Vestland fylkeskommune sine oppmodingar overfor Statnett.

Statnett skal overlevera forslag til Konseptvalutgreiing (KVU) for Bergensregionen til OED hausten 2020. KVU en vil gje Statnett sine anbefalingar for korleis ein samla og på lang sikt skal prioritera for å endra på elkraftforsyningssituasjonen i Bergensregionen. Forventa resultat frå utgreiinga vil vera ei tilbakemelding om at situasjonen ikkje kan venta noko betra elkraftforsyning som mogleggjer nye større etableringar før rundt 2030.

Regionrådet meiner me ikkje har råd til å venta på svar frå utgreiinga og konklusjonar i denne, men at det uansett må takast grep no. Statnett må derfor sjå etter moglege «hurtigløysingar»; både innanfor dagens system og gitt enkeltstående forbetringar av nettet.

Regionrådet ønskjer å ta ein aktiv rolle framover i denne saka gjennom ein felles mobilisering for å følgje opp og endra situasjonen me er kome i.

Regionrådet har vedtatt følgjande aksjonsplan:

1. Regionrådet oppnemner eit arbeidsutval (AU) for å jobba vidare med saka:
 - Karstein Totland (leiar)
 - Sara Sekkingstad
 - Per Lerøy
 - Ørjan Raknes Forthun
 - Baste Tveito
 - Vidar Totland

Arbeidsutvalet bestemmer sjølv om dei vil knyta til seg andre ressurspersonar.

2. Regionrådet, gjennom oppnemnt AU, vil be om møte med Hordalandsbenken om saka. Møtet må samordnast med og gjerne i regi av fylkesordførar i Vestland fylkeskommune. Det må også leggjast til rette for god dialog med BKK i ein slik prosess.
3. Med bakgrunn av eit slikt møte, bør ein så vurdere å utforma eit felles brev til ansvarleg minister, her Olje- og energiministeren.

Med venleg helsing



Karstein Totland
Leiar
Regionrådet Nordhordland



Rune Heradstveit
Dagleg leiar
Nordhordland Utviklingsselskap IKS

Kopi: Kommunane i Nordhordland
Nordhordland Næringslag
Regionrådet i Nordhordland